



Adresa: **Ul. Hamdije Čemerlića 39a**  
71000 Sarajevo  
<http://www.voda.ba>

tel. +387 33 726-400  
fax. +387 33 726-423  
e – mail: [info@voda.ba](mailto:info@voda.ba)

Broj: **UP-1/21-3-40-374-4/25**

Datum: **29.10.2025. godine**

«Agencija za vodno područje rijeke Save» Sarajevo rješavajući po zahtjevu pravnog lica «SILVESTRA» d.o.o. Kakanj za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada proizvodnog kompleksa za preradu drveta u naselju Karaulsko Polje, općina Kakanj, na osnovu člana 109. stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

### **R J E Š E N J E** **o vodnoj dozvoli**

1. Pravnom licu, «SILVESTRA» d.o.o. Kakanj daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada proizvodnog kompleksa za preradu drveta izgrađenog u naselju Karaulsko Polje, na zemljištu označenom kao k.č. broj: 2031 i 2032 K.O. Vrtlište, općina Kakanj.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji objekta i uz sljedeće uslove:
  - 2.1. Da se upotreba i korištenje predmetnog proizvodnog kompleksa za preradu drveta vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
  - 2.2. Da korisnik predmetnog objekta, za vrijeme trajanja ove dozvole, obezbijedi da se otpadne vode iz parionice nesmetano prikupljaju i odvođe u izgrađeni trokomorni betonski neutralizator. Preliv iz neutralizatora treba biti blindiran kako bi se onemogućilo da kondenzat iz parione dospije u površinske vode.  
Čišćenje i pražnjenje neutralizatora može vršiti isključivo firma ovlaštena za tu vrstu djelatnosti, prema posebnom ugovoru.
  - 2.3. Da korisnik predmetnog objekta, za vrijeme trajanja ove dozvole, obezbjeđuje da se oborinske vode sa internih saobraćajnica, te radnih i manipulativnih površina nesmetano sakupljaju i odvođe u rijeku Bosnu.
  - 2.4. Da se prikupljanje i privremeno skladištenje piljevine i otpadaka od drveta iz procesa prerade vrši na način da se onemogući njegovo rasipanje po okolnom terenu.
  - 2.5. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa čvrstim opasnim i neopasnim otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
  - 2.6. Piljevina, drvni otpad kao i ostali otpad koji nastaje na predmetnom lokalitetu ne smije se odlagati na česticu «vodno dobro», odnosno u vodotok i na njegove obale.
  - 2.7. Vlasnik odnosno korisnik objekta je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Vlasnik, odnosno korisnik objekta je obavezan voditi propisane evidencije te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda (tačka 25. tabele) te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
4. U periodu važenja ove dozvole, Korisnik je dužan provoditi sve mjere i aktivnosti propisane istom.

5. U slučaju vanrednih situacija, havarijskih onečišćenja i drugih sličnih okolnosti čime bi bio ugrožen kvalitet voda obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ukoliko prilikom upotrebe predmetnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
9. U ovoj upravnoj stvari plaćene su sve upravne takse.
10. Ova vodna dozvola, shodno članu 117. stav (1) i članu 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole, korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

### **O b r a z l o ž e n j e**

Pravno lice «SILVESTRA» d.o.o. Kakanj obratilo se ovoj Agenciji dana 08.09.2025. godine sa zahtjevom za donošenje rješenja o vodnoj dozvoli za proizvodni kompleks za preradu drveta izgrađen u naselju Karaulsko Polje, na zemljištu označenom kao k.č. broj: 2031 i 2032 K.O. Vrtlište, općina Kakanj.

U provedenom postupku dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra broj: 043-0-RegZ-24-003802 od 20.12.2024. godine izdatog od Općinskog suda u Zenici,
- Ovjerena kopija Uvjerenja o poreznoj registraciji od 24.02.2012. izdatog od Porezne uprave Federacije BiH–Kantonalni porezni ured Zenica,
- Ovjerena kopija Uvjerenja o registraciji/upisu u Jedinствeni registar obveznika indirektnih poreza broj: 04/1-UPP/1-6350/07 od 01.08.2007. godine izdatog od Uprave za indirektno-neizravno oporezivanje Banja Luka,
- Dokaz o uplaćenju upravnoj taksi,
- Ovjerena kopija Rješenja kojim se daje saglasnost za obavljanje djelatnosti rezanja drveta, broj: 04-18-3384-3-BB/05 od 24.08.2005. godine izdatog od Ministarstva za privredu Zeničko-dobojskog kantona,
- Kopija Rješenja o upotrebi građevine broj: 12-23-3723/12 od 30.08.2012. godine izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o upotrebi građevine broj: 12-23-2797/05 od 22.07.2005. godine izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o odobrenju za građenje broj: 12-23-6160/08 od 18.06.2009. godine izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o odobrenju za građenje broj: 12-23-3003/03 od 06.11.2003. godine izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Mišljenja (nije propisana obaveza pribavljanja okolinske dozvole) broj: 12-19-10262/23 od 13.11.2023. godine izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona,

- Kopija Rješenja o vodoprivrednoj saglasnosti broj: 05/07-25-2821-1/03 od 30.07.2003. godine izdatog od Ministarstva za poljoprivredu, šumarstvo i vodoprivredu Zeničko-dobojskog kantona,
- Kopija Rješenja o vodnoj dozvoli broj: UP-I/25-3-40-387-4/20 od 13.10.2020. godine izdatog od «Agencije za vodno područje rijeke Save» Sarajevo,
- Kopija Izvještaja o monitoringu kvaliteta i kvantiteta otpadnih voda proizvodnog kompleksa «SILVESTRA» Kakanj, broj: 942/25, maj 2025. godine, urađen od «Inspekt-RGH» d.o.o. Sarajevo,
- Glavni projekat-izvedeno stanje sa dopunom-vanjske hidroinstalacije, snabdijevanje vodom, prikupljanje i tretman tehnoloških (industrijskih) otpadnih voda, oborinskih voda sa krova objekta i fekalnih voda, broj: 29-IB-G/15, juli 2015. godine, urađen od «IBIS» d.o.o. Zavidovići (na uvid).

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog objekta i tom prilikom je sačinjen Zapisnik o uviđaju broj: UP-1/21-3-40-374-3/24 od 30.09.2025. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Poslovni kompleks za preradu drveta izgrađen je na desnoj obali rijeke Bosne, u naselju Karaulsko Polje, uz regionalnu saobraćajnicu Zenica-Kakanj, općina Kakanj. U krugu predmetnog kompleksa smješteni su sljedeći objekti: otvoreno skladište oblovine, proizvodna hala za primarnu preradu drveta, skladište rezane građe, sušara sa dvije komore, parionica sa dvije komore, proizvodna hala za finalnu preradu drveta, silos, kotlovnica, te uređene manipulativne i radne površine. Kapacitet proizvodnje je do 3.500 m<sup>3</sup> oblovine godišnje. Krajnji proizvod je rezana građa.
- Za predmetni objekat ranije je od strane ove Agencije doneseno Rješenje o vodnoj dozvoli broj: UP-I/25-3-40-387-4/20 od 13.10.2020. godine. U toku uviđaja je utvrđeno da nije bilo izmjena u odnosu na navedenu dozvolu.
- Piljevina nastala u postupku obrade drveta prikuplja se zatvorenim sistemom odsisa i odvodi u silos, a koristi se kao energent u kotlovnici.
- Oborinske vode sa krovova objekata i radno-manipulativnih površina prikupljaju se sistemom slivnika i kanalizacione mreže i preko taložnika ispuštaju u rijeku Bosnu.
- Na brentu je instaliran predrezač.
- Tehnološke otpadne vode – kondenzat iz parionice prikuplja se u vodonepropusni betonski neutralizator. Parionica se trenutno ne koristi.

Na osnovu dostavljene dokumentacije i uviđaja izvršenog na predmetnoj lokaciji, u svrhu smanjenja negativnih uticaja predmetnog proizvodno poslovnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi kojih se dužan pridržavati prilikom korištenja objekta u skladu sa odredbama članova 53. i 116. Zakona o vodama i članova 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva, «SILVESTRA» d.o.o. Kakanj ispunio minimum uslova za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za preradu drveta izgrađenog u naselju Karaulsko Polje, općina Kakanj, te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije broj: UP-1/21-3-40-374-2/25 od 25.09.2025. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 08/00, 45/10 i 43/13).

**Uputa o pravnom lijeku:**

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Sanja Miličić, građ.ing.

Po ovlaštenju  
Rukovodilac Sektora za izdavanje vodnih akata



*Mirad Pezo*  
Mirad Pezo, dipl.inž.građ.

**Dostaviti:**

- «SILVESTRA» d.o.o. Kakanj  
Karaulsko polje bb, 72240 Kakanj
- ⊖ AVP Sava, ISV-vodna knjiga
- Sektor 50
- Sektor 40 – arhiva
- Oglasna ploča – AVP Sava